

穆子 衫、惨二音。 救荒

【释名】龙爪粟 鸭爪稗〔时珍曰〕穆乃不粘之称也。又不实之貌也。龙爪、鸭爪，像其穗歧之形。

【集解】〔周定王曰〕穆子生水田中及下湿地。叶似稻，但差短。梢头结穗，仿佛稗子穗。其子如黍粒大，茶褐色。捣米，煮粥、炊饭、磨面皆宜。〔时珍曰〕穆子，山东、河南亦五月种之。苗如茭黍，八九月抽茎，有三棱，如水中蘆草之茎。开细花，簇簇结穗如粟穗，而分数歧，如鹰爪之状。内有细子如黍粒而细，赤色。其稗甚薄，其味粗涩。

【气味】甘，涩，无毒。

【主治】补中益气，厚肠胃，济饥。

稗 音败。 纲目

【释名】〔时珍曰〕稗乃禾之卑贱者也，故字从卑。

【集解】〔弘景曰〕稗子亦可食。又有乌禾，生野中如稗，荒年可代粮而杀虫，煮以沃地，蝼、蚓皆死。〔藏器曰〕稗有二种：一种黄白色，一种紫黑色。紫黑者似芑有毛，北人呼为乌禾。〔时珍曰〕稗处处野生，最能乱苗。其茎叶穗粒并如黍稷。一斗可得米三升。故曰：五谷不熟，不如稗稗。稗苗似稗而穗如粟，有紫毛，即乌禾也。尔雅谓之莢^①（音迭）。〔周定王曰〕稗有水稗、旱稗。水稗生田中。旱稗苗叶似穆子，色深绿，根下叶带紫色。梢头出扁穗，结子如黍粒，茶褐色，味微苦，性温。以煮粥、炊饭、磨面食之皆宜。

稗米 〔气味〕辛、甘、苦，微寒，无毒。〔颖曰〕辛、脆。
〔主治〕作饭食，益气宜脾，故曹

植有芳菰精稗之称。时珍

苗根 〔主治〕金疮及伤损，血出不已。捣傅或研末掺^②之即止，甚验。时珍

狼尾草 拾遗

【释名】稂音郎。董茆尔雅^③作童梁。狼茅^④尔雅孟尔雅宿田翁诗疏守田诗疏〔时珍曰〕狼尾，其穗象形也。秀而不成，巍然在田，故有宿田、守田之称。

【集解】〔藏器曰〕狼尾生泽地，似茅作穗。广志云：子可作黍食。尔雅云：孟，狼尾。似茅，可以覆屋，是也。〔时珍曰〕狼尾茎、叶、穗、粒并如粟，而穗色紫黄，有毛。荒年亦可采食。许慎说文云：禾粟之穗^⑤，生而不成者，谓之董茆。其秀而不实者，名狗尾草，见草部。

米 〔气味〕甘，平，无毒。

【主治】作饭食之，令人不饥。

藏器

【附录】蒯草〔藏器曰〕蒯草苗似茅，可织席为索。子亦堪食，如粳米。

东廬 音墙。 拾遗

【释名】

【集解】〔藏器曰〕东廬生河西。苗似蓬，子似葵。九月、十月熟，可为饭食。河

① 莢：原作“莢”，字书无。今据尔雅释草改。

② 掺：原作“穆”，今从钱本改，与吴、立、文、芥、张等本合。

③ 雅：原缺，按“稂，童梁。”见尔雅释草。因据补，与张本合。

④ 狼茅：按尔雅释草：“孟，狼尾。”郭注：“似茅。”

⑤ 穗：说文解字第一篇下艸部蒹字，清·段玉裁注谓“穗”当作“莠”。下“董”字当作“童”。